

Njang/jàng Xayma

SARR Georges Mbissane

Ci wéeru ñaari junni ak ñaar fukk ak ñaar (2022)

1 Ëmb


Téeki

Nañu wowie ëmb, beep saamu cër^a yu ñuy wowie ëmbeef. Amal been ëmb E , da ñuy né x ëmbeefu E la, ta ñu ko bindé $x \in E^b$, bu féké ni x ci biir E la nek/la bok.

^aélément

^bMën na ñu ko liré " x mu ngi ci biir E "

- $\mathbb{N}, \mathbb{Z}, \mathbb{Q}, \mathbb{R}$ ay ëmb la ñu.
- $\{a, b, c, d, \dots, z\}$ moy ëmb bu am ab ëmbeef a, b, c, \dots , ba z
- \emptyset moy mbindu ëmb bu amul tus, manam ëmb bu amul been ëmbeef.
- $\{a, b\} = \{b, a\}$



1.1 Wàllu ëmb


Téeki

Amal ëmb E ak ëmb F , E mu ngi ci biir F bu féké ni rek^a ëmbeef x yëp yu nek ci E ñu ngi ci biir F . Da ñuy wax itam E wàllu F la, di ko bindé $E \subset F$.

^asi et seulement si = bu féké ni rek ?

Nañu mandargal wàllu ëmb:

- Amal ëmb $E = \{1, 2, 3\}$, $F = \{1, 2, 3, 4, 5, 6\}$ ak $G = \{1, 2, 4, 5, 6\}$, kon $E \subset F$, wayé E nekkoul wàllu G , ñu koy bindé $E \not\subset G$, ndaxté 3 mu ngi ci biir E , wanté 3 nekkul ci biir G .



1.2 Ìmbu ay wàllu been ìmb

Téeki

Amal been ìmb E , ìmbu wàllu E yi, mo di saamu wàllu E yèp, ñu di ko bindé $\mathcal{W}(E)$.

Nañu mandargal ìmbu ay wàllu been ìmb:

- Amal ìmb $E = \{a, b, c\}$, $\mathcal{W}(E) = \{\emptyset, \{a\}, \{b\}, \{c\}, \{a, b\}, \{a, c\}, \{b, c\}, \{a, b, c\}\}$

Seetlu

- Amal been ìmb E : $E \subset E^a$, manaam E wàllu E la
- Ìmbeefu $\mathcal{W}(E)$ ay ìmb la ñu.

^añu di ko bindé itam $E \in \mathcal{W}(E)$

1.3 Sëfu Xayma ci ìmb yi

1.3.1 Selebe(yoon) ay ìmb (intersection d'ensembles)

Téeki

Amal ìmb E ak ìmb F , saamu ìmbeef x yèp yu bok ci E té bok itam ci F , ñu di ko bindé $E \cap F$ la ñuy wowie selebe wu E ak F

Nañu mandaargal¹ selebe ay ìmb.

- Amal ñaari ìmb $E = \{1, 2, 3\}$ ak $F = \{4, 5\}$, $E \cap F = \emptyset$ (manaam E ak F bokku ñu been ìmbeef.)
- Amal $E = \emptyset = F$, $E \cap F = \emptyset$
- Amal $E = \emptyset$, $F = \{0, 1\}$, $E \cap F = \emptyset$

1.3.2 Lëkkalé/Mboole ay ìmb (union d'ensembles)

Téeki


Amal ìmb E ak ìmb F , saamu ìmbeef x yèp yu bok ci E wala bok ci F , ñu di ko bindé $E \cup F$ la ñuy wowie mboolo E ak F .

Nañu mandaargal mbollo ìmb:

- Amal ñaari ìmb $E = \{1, 2, 3, 4, 5\}$ ak $F = \{4, 5, 6, 7, 8, 9\}$, $E \cup F = \{1, 2, 3, 4, 5, 6, 7, 8, 9, 10\}$

¹Exemple ?

- Amal $E = \emptyset = F$, $E \cup F = \emptyset$
- Amal $E = \emptyset$, $F = \{0, 1\}$, $E \cup F = \{0, 1\}$



1.3.3 Full carteseng ay ëmb

Téeki

Amal ñaari ëmb E ak F , fullu E ak F , ñu koy bindé $E \times F$, mo di beep tank-tank^a (x, y) bu deme ni^b $x \in E$ ak $y \in F$

^acouple
^btel que

- Amal $E = \{1, 2, 3\}$ ak $F = \{4, 5\}$, kon $E \times F = \{(1, 4), (1, 5), (2, 4), (2, 5), (3, 4), (3, 5)\}$

Téeki

Amal been limukaay $n \in \mathbb{N}$ bu eup 2^a . Amal itam n ëmb E_1, E_2, \dots, E_n , fullu E_1, E_2, \dots, E_n , ñu koy bindé $E_1 \times \dots \times E_n$, mo di beep ëmbeef $x = (x_1, \dots, x_n)$ bu deme ni^b $x_1 \in E_1, x_2 \in E_2, \dots, x_n \in E_n$


^a $n \geq 2$
^btel que

Seetlu

Amal ëmb E ak ëmb F ;

- Bu féké E ak F ay ëmb yu wuté la ñu, ñuy binde $E \neq F$, té itam $E \neq \emptyset$ ak $F \neq \emptyset$, kon fullu E ak F wuté na ak fullu F ak E , ñuy bind $E \times F \neq F \times E$
- Bu féké $E = F$, manaam E ak F been la ñu, mën na ñu binde $E \times F = E \times E = E^2$
- Amal ñaari tank-tank (u, v) ak (x, y) ci biir $E \times F$, da ñuy né $(u, v) = (x, y)$ bu féké rek $u = x$ ak $v = y$. Ngir leeral, $(1, 2) \in \mathbb{N}^2$ ak $(1, 3) \in \mathbb{N}^2$ wuté na ñu, ndaxté 2 wuté na ak 3.
- Bu féké ni limu ëmbeefu E ak limu ëmbeefu F da ñuy jex^a, kon ëmbeefu $E \times F$ maat nañu lu tolu ci limu ëmbeefu E nga ful ko ak limu ëmbeefu F . Ngir leeral wax ji, amal $E = \{1, 2, 3\}$ ak $F = \{4, 5\}$, kon E amna ñaat ëmbeef (kon limu ëmbeefu E , manam ñaat, day jex), F amna ñaari ëmbeef (kon limu ëmbeefu F , manam ñaar, day jex), limu ëmbeefu $E \times F$ mo di ñaat nga full ko ak ñaar, manaan $3 \times 2 = 6$. Leneen lu koy woné mo di: $E \times F = \{(1, 4), (1, 5), (2, 4), (2, 5), (3, 4), (3, 5)\}$ amna bu bax juròom-been (6) ëmbeef.
- Amal n ëmb E_1, E_2, \dots, E_n , bu féké ni $E = E_1 = E_2 = \dots = E_n$, mën na ñu binde, $E_1 \times \dots \times E_n = E^n$

^a E et F sont des ensembles finis.



2 Doxalin

Téeki

Been ^adoxalin f mo di beep ñaati ëmb E , F ak \mathcal{G} . E moy ëmbef bu doxalin f di tambali, F moy ëmbef bu muy agsi. Da ñuy bindë $\mathcal{G} = \{(x, y) \in E \times F, y = f(x)\}$. Ëmb \mathcal{G} , ñu di ko wowé graaf, moy lëkkalé beep ëmbeef $x \in E$ ak been ëmbeef $y \in F$ rek. Doxalin f ñio ngi koy bindé:

$$f : \begin{cases} E \rightarrow F \\ x \mapsto f(x) \end{cases}$$

wala ñuy binde

$$f : E \rightarrow F, \text{ ak } f(x) = \dots$$

wala itam

$$f : x \mapsto \dots \text{ ak } f : E \rightarrow F$$

Beep ëmbeef $x \in E$ warna am been natal^b rek ci f , nataal gogu ñu di ko bindé $f(x)$

^aFonction ou application

^bImage par une fonction

Nañu binde $\mathbb{R}_+ = \{x \in \mathbb{R}, x \geq 0\}$ manaam ëmbeefu limu \mathbb{R} yu "positif" yi walla tolo ak tus, ak $\mathbb{R}_+^* = \{x \in \mathbb{R}, x > 0\}$, manaam ëmbeefu limu \mathbb{R} yu "positif" yi té weesu/ëp tus.

- Doxalin $f : \begin{cases} \mathbb{R} \rightarrow \mathbb{R} \\ x \mapsto x^2 + 1 \end{cases}$ ak doxalin $g : \begin{cases} \mathbb{R} \rightarrow \mathbb{R}_+ \\ x \mapsto x^2 + 1 \end{cases}$ wuté nañu, ndaxté ëmbeef yu ñuy agsi wuté nañu: $\mathbb{R} \neq \mathbb{R}_+$
- $f : \begin{cases} \mathbb{R} \rightarrow \mathbb{R}_+^* \\ x \mapsto x^2 \end{cases}$ nekkul doxalin, ndaxté $0^2 = 0 \notin \mathbb{R}_+^*$

3 Xalaat ci Xayma

3.1 Baat

Téeki

Been **baat**^a ci Xayma mo di beep kaadu gi mēna nekka dëgg^b, walla nekka lu dul dëgg^c. Dëgg (D), ak lu dëggul (L) la ñuy wovee xayma dëgg^d. Bu féké ñaari baat \mathcal{B} ak \mathcal{C} ño bok xayma dëgg, kon da ñuy né ño niro, di ko bindé: $\mathcal{B} \sim \mathcal{C}$, seeni xayma dëg bu ñu wuté wé, da ñuy bindë $\mathcal{B} \not\sim \mathcal{C}$

^aassertion, prédicat

^bvrai

^cfaux

^dvaleur de vérité

Amal $(0, 1, 2) \in \mathbb{N}^3$, kon baat $\mathcal{B} = "1 \geq 0"$ dëgg la, wanté, baat $\mathcal{C} = "2 + 1 \leq 2"$ du dëgg, kon bok $\mathcal{B} \not\sim \mathcal{C}$. Baat $\mathcal{B} = "2 = 0"$ ak baat $\mathcal{C} = "1 > 2"$ dëggñu, kon $\mathcal{B} \sim \mathcal{C}$.

3.2 Muk/Deet

Téeki

Muk been baat^a \mathcal{B} , ñu di ko bindé muk \mathcal{B} (wala $\neg\mathcal{B}$) baatu dëgg la, bu féké ni \mathcal{B} du dëgg. Té itam, baat bu dëggul la, bu féké ni \mathcal{B} dëgg la.

^aLa négation d'une assertion

Amal $x \in \mathbb{R}$, $\mathcal{B}(x) = "x \leq 0"$, kon $\neg\mathcal{B}(x) \sim "x > 0"$.

Tëg^a

^aProposition

Amal been baat \mathcal{B} , boba/kon $\neg(\neg\mathcal{B}) \sim \mathcal{B}$, manaam muk (muk \mathcal{B}) ak \mathcal{B} ño book xayma dëgg.

Woné: Amal been baat \mathcal{B}

\mathcal{B}	$\neg\mathcal{B}$	$\neg(\neg\mathcal{B})$
D	L	D
L	D	L

3.3 Takhalé ak tékhalé ay baat

Téeki^a

^aDéfinition

Takhalo^a ñaari baat \mathcal{B} ak \mathcal{C} , ñu di ko bindé $\mathcal{B} \wedge \mathcal{C}$, wala \mathcal{B} ak \mathcal{C} , baatu dëgg la bu féké ni rek \mathcal{B} dëgg la, té \mathcal{C} dëgg la itam.

Tékhalo^b ñaari baat \mathcal{B} ak \mathcal{C} , ñu di ko bindé $\mathcal{B} \vee \mathcal{C}$, wala \mathcal{B} wala \mathcal{C} , dëgg la bu féké ni rek \mathcal{B} dëgg la, wala \mathcal{C} dëgg la.

\mathcal{B}	\mathcal{C}	$\mathcal{B} \wedge \mathcal{C}$	$\mathcal{B} \vee \mathcal{C}$
D	D	D	D
D	L	L	D
L	D	L	D
L	L	L	L

^aConjonction
^bDisjonction

Tèg^a

^aProposition

Amal baat \mathcal{B} ak baat \mathcal{C} , boba/kon:

$$\neg(\mathcal{B} \wedge \mathcal{C}) \sim (\neg\mathcal{B}) \vee (\neg\mathcal{C})$$

$$\neg(\mathcal{B} \vee \mathcal{C}) \sim (\neg\mathcal{B}) \wedge (\neg\mathcal{C})$$

Woné:

Amal baat \mathcal{B} ak baat \mathcal{C} , nañu bindë këralegu/natalu² xayma dëgg baat yi.

\mathcal{B}	\mathcal{C}	$\neg\mathcal{B} \vee \neg\mathcal{C}$	$\neg(\mathcal{B} \wedge \mathcal{C})$	$\neg(\mathcal{B} \vee \mathcal{C})$	$(\neg\mathcal{B}) \wedge (\neg\mathcal{C})$
D	D	L	L	L	L
D	L	D	D	L	L
L	D	D	D	L	L
L	L	D	D	D	D

Mën nañu gis ci ñaatel

jeñ³ gi ak ñeentel gi, né $\neg(\mathcal{B} \wedge \mathcal{C}) \sim (\neg\mathcal{B}) \vee (\neg\mathcal{C})$. Juròomeel jeñ gi ak juròomeel-beeneel gi, woné nañu né $\neg(\mathcal{B} \vee \mathcal{C}) \sim (\neg\mathcal{B}) \wedge (\neg\mathcal{C})$.

Tègtal^a

^aIndication ?

Ngir woné né ñaari baat ño bok xayma dëgg, mën nañu jëfandikoo këralegu xayma dëgg yi.

Jéemantu

Amal ñaat baat $\mathcal{A}, \mathcal{B}, \mathcal{C}$, wonéel ni:

$$\mathcal{B} \wedge \mathcal{B} \sim \mathcal{B}$$

$$\mathcal{B} \vee \mathcal{B} \sim \mathcal{B}$$

$$(\mathcal{B} \wedge \mathcal{C}) \wedge \mathcal{A} \sim \mathcal{B} \wedge (\mathcal{C} \wedge \mathcal{A})$$

$$(\mathcal{B} \vee \mathcal{C}) \vee \mathcal{A} \sim \mathcal{B} \vee (\mathcal{C} \vee \mathcal{A})$$

$$(\mathcal{B} \wedge \mathcal{C}) \vee \mathcal{A} \sim (\mathcal{B} \vee \mathcal{A}) \wedge (\mathcal{C} \vee \mathcal{A})$$

$$(\mathcal{B} \vee \mathcal{C}) \wedge \mathcal{A} \sim (\mathcal{B} \wedge \mathcal{A}) \vee (\mathcal{C} \wedge \mathcal{A})$$

3.4 Baat bi yobualé/andi been baat

Téeki

Amal baat \mathcal{B} ak baat \mathcal{C} . Da ñuy né \mathcal{B} da yobualé \mathcal{C} ^a dëgg la, bu féké ni rek \mathcal{C} mënul bagna nek dëgg bu \mathcal{B} néké dëgg.

\mathcal{B} da yobualé \mathcal{C} ñu di ko bindé $\mathcal{B} \implies \mathcal{C}$.

Xayma dëgg $\mathcal{B} \implies \mathcal{C}$ mu ngi ni:

²tableau ?

³Colonne = jiñ = jeñ ?

\mathcal{B}	\mathcal{C}	$\mathcal{B} \implies \mathcal{C}$
D	D	D
D	L	L
L	D	D
L	L	D

^a \mathcal{B} implique \mathcal{C}

Ak beep $x \in \mathbb{R}$, bo bindé $\mathcal{B}(x) = "x \geq 2"$, $\mathcal{C}(x) = "x^2 \geq 4"$, kon $\mathcal{B}(x) \implies \mathcal{C}(x)$ dëgg la.

Téeki

Bu $\mathcal{B} \implies \mathcal{C}$ néké dëgg, kon da ñuy né

- \mathcal{B} baat bu doy \mathcal{C} la, wala \mathcal{B} doy na \mathcal{C} .^a
- \mathcal{B} da soxla \mathcal{C} .^b

$\mathcal{C} \implies \mathcal{B}$ mo di wëlbatu wu ^c baat $\mathcal{B} \implies \mathcal{C}$.

^a \mathcal{B} est une condition suffisante pour \mathcal{C}

^b \mathcal{C} est une condition nécessaire pour \mathcal{B}

^cimplication réciproque

Tëg^a

^aProposition

Amal baat \mathcal{B} ak baat \mathcal{C} , boba:

$$(\mathcal{B} \implies \mathcal{C}) \sim (\neg \mathcal{B}) \vee \mathcal{C}$$

$$(\mathcal{B} \implies \mathcal{C}) \sim ((\neg \mathcal{C}) \implies (\neg \mathcal{B}))$$

$(\neg \mathcal{C}) \implies (\neg \mathcal{B})$ la ñuy wowee *contraposée*^a wu $\mathcal{B} \implies \mathcal{C}$

^aContraposée

Woné:

\mathcal{B}	\mathcal{C}	$\mathcal{B} \implies \mathcal{C}$	$(\neg \mathcal{B}) \vee \mathcal{C}$
D	D	D	D
D	L	L	L
L	D	D	D
L	L	D	D

Mën na ñu gis né $(\mathcal{B} \implies \mathcal{C}) \sim (\neg \mathcal{B}) \vee \mathcal{C}$ ci ñaateel jeñ ak ñeenteel gi, kon bok bu ñu wécanté \mathcal{B} ak $\neg \mathcal{C}$, té wécanté itam \mathcal{C} ak $\neg \mathcal{B}$, ñu am $((\neg \mathcal{C}) \implies (\neg \mathcal{B})) \sim ((\neg(\neg \mathcal{C})) \vee (\neg \mathcal{B})) \sim (\mathcal{C} \vee (\neg \mathcal{B})) \sim (\neg \mathcal{B}) \vee \mathcal{C} \sim (\mathcal{B} \implies \mathcal{C})$, fi la ñuy jexalé woné gi.

Mënon nañu woné itam $(\mathcal{B} \implies \mathcal{C}) \sim ((\neg \mathcal{C}) \implies (\neg \mathcal{B}))$ ak natal xayma dëgg yi.

3.5 Baat yu yèm

Téeki

Amal ñaari baat \mathcal{B} , \mathcal{C} .

\mathcal{B} mo yèm ak \mathcal{C} ^a, ñuy bindë $\mathcal{B} \iff \mathcal{C}$, mo di baat $(\mathcal{B} \implies \mathcal{C}) \wedge (\mathcal{C} \implies \mathcal{B})$, manaam

$$\mathcal{B} \iff \mathcal{C} \sim ((\mathcal{B} \implies \mathcal{C}) \wedge (\mathcal{C} \implies \mathcal{B}))$$

Natal xayma dëgg bu yëmalé ñaari baat mo ngi ni:

\mathcal{B}	\mathcal{C}	$\mathcal{B} \Rightarrow \mathcal{C}$	$\mathcal{C} \Rightarrow \mathcal{B}$	$\mathcal{B} \Leftrightarrow \mathcal{C}$
D	D	D	D	D
D	L	L	D	L
L	D	D	L	L
L	L	D	D	D

^aL'équivalence de deux assertions

Seetlu

Amal ñaari baat \mathcal{B} , \mathcal{C} .

- Bu $\mathcal{B} \Leftrightarrow \mathcal{C}$ néké dëgg, kon $\mathcal{B} \sim \mathcal{C}$.
- Bu féké $\mathcal{B} \Leftrightarrow \mathcal{C}$ dëggul, kon $\mathcal{B} \not\sim \mathcal{C}$

Seetlu yi muj, woné nañu né **yëmalé ay baat ak nirolé lèn been lañu**. Manam wax $\mathcal{B} \Leftrightarrow \mathcal{C}$ been la ak wax $\mathcal{B} \sim \mathcal{C}$, manaam:

$$\begin{aligned}(\mathcal{B} \Leftrightarrow \mathcal{C}) &\sim (\mathcal{B} \sim \mathcal{C}) \\(\mathcal{B} \Leftrightarrow \mathcal{C}) &\Leftrightarrow (\mathcal{B} \sim \mathcal{C})\end{aligned}$$

Tèg^a

^aProposition

Amal baat \mathcal{B} ak baat \mathcal{C} , boba:

$$(\mathcal{B} \Leftrightarrow \mathcal{C}) \sim ((\neg \mathcal{C}) \Leftrightarrow (\neg \mathcal{B}))$$

Jéemantu: Woneel tèg bi muj

Téeki

Bu $\mathcal{B} \Leftrightarrow \mathcal{C}$ néké dëgg, kon da ñuy né

- \mathcal{B} baat bu soxla té doy \mathcal{C} la, ^a

^a \mathcal{B} est une condition nécessaire et suffisante pour \mathcal{C}

3.6 Natakat baat

Téeki

Amal been ëmb E . Ak beep $x \in E$, amal been baat $\mathcal{B}(x)$ bu nék surgau x^a .
Da ñuy wax ak beep $x \in E$, $\mathcal{B}(x)$ dëgg la, té di bindë

$$\forall x \in E, \mathcal{B}(x)$$

bu féké ni rek $\mathcal{B}(x)$ dëgg la ak beep ëmbeef x bu nék ci biir E .

Da ñuy wax ak been $x \in E$, $\mathcal{B}(x)$ dëgg la, té di bindë

$$\exists x \in E, \mathcal{B}(x)$$

bu féké ni rek $\mathcal{B}(x)$ dëgg la ak lu mu tuti tuti been ëmbeef x bu nék ci biir E .

Da ñuy wax ak been $x \in E$ rek, $\mathcal{B}(x)$ dëgg la, té di bindë

$$\exists! x \in E, \mathcal{B}(x)$$

bu féké ni rek $\mathcal{B}(x)$ dëgg la ak been ëmbeef x dong bu nék ci biir E .

^aUne assertion qui dépend de x

Mën nañu né $\forall x \in \mathbb{R}, \exp(x) > 0$, ak $\forall x \in \mathbb{R}, \exists! n \in \mathbb{Z}, n \leq x < n + 1$

Amal been doxalin f bi jogé ci \mathbb{R} té agsi ci \mathbb{R} , kon bok:

Da ñuy wax f moy doxalinu dara/tus ⁴ bu féké ni rek

$$\forall x \in \mathbb{R}, f(x) = 0$$

Da ñuy wax f di na agsi ci tus ⁵ bu féké ni rek

$$\exists x \in \mathbb{R}, f(x) = 0$$

Da ñuy wax f di na agsi been yoon ci tus bu féké ni rek ⁶

$$\exists! x \in \mathbb{R}, f(x) = 0$$

Da ñuy wax f ci \mathbb{R}_+ rek la mëna tolo ak tus ⁷ bu féké ni rek

$$\forall x \in \mathbb{R}, f(x) = 0 \implies x \in \mathbb{R}_+$$

wala itam

$$\forall x \in \mathbb{R}, x \notin \mathbb{R}_+ \implies f(x) \neq 0$$

Tèg^a

^aProposition

$$\neg(\forall x \in E, \mathcal{B}(x)) \sim \exists x \in E, \neg(\mathcal{B}(x))$$

$$\neg(\exists x \in E, \mathcal{B}(x)) \sim \forall x \in E, \neg(\mathcal{B}(x))$$

Jéemantu: Woneel tèg yi muj

Waxanté^a

^aConvention

Beep baat buy tambalé ak $\exists x \in \emptyset$ dëggul, kon beep baat buy tambalé ak $\forall x \in \emptyset$ dëgg la.

Jéemantu bu am solo ci xam-xam ci koompuutar⁸ Amal been doxalin f bi jogé ci been full carteseng ëmb xayma dëgg yi $\{0, 1\}^n$, té di agsi ci ëmbu xayma dëgg yi, 0 di téeki lu dëggul (L), 1 di téeki dëgg (D), ñuy bindë

$$f : \{0, 1\}^n \rightarrow \{0, 1\}$$

mën nañu woné né f mën nañu ko bindé ak sëfu xayma dëgg *takhalo* (manaam \wedge) ak sëfu xayma dëgg *deet* (manaam \neg). Manam bo jëlé $b = (b_1, b_2, \dots, b_n) \in \{0, 1\}^n$, kon $f(b)$ mën nañu kon bindé ak b_1, b_2, \dots, b_n ak \wedge ak \neg dong.

Tégtal: ngir woné tèg bi muj

⁴La fonction f est la fonction nulle.

⁵La fonction f s'annule

⁶La fonction f s'annule une seule fois

⁷La fonction f ne s'annule que sur \mathbb{R}_+

⁸Exercice important en informatique

- Mën nañ woné ni amna been $0 \leq k \leq 2^n$ ak f_1, \dots, f_k ay doxalin yuy jogé ci $\{0, 1\}^n$ té agsi ci $\{0, 1\}$, yu mel ni

$$f(b) = f^{(1)}(b) \vee f^{(2)}(b) \vee \dots \vee f^{(k)}(b)$$

té $f^{(l)}(b) = \begin{cases} 1 & \text{bu féké ni } b = b^{(l)} \\ 0 & \text{bu féké ni } b \neq b^{(l)} \end{cases}$, ak $b^{(l)}$ been néekin b ci këralegu xayma dëgg f , té $f(b^{(l)}) = 1$. Ngir

léeral, bu féké $b = (1, 0, 1, 0, 0, 0, 1)$ ci liñ l këralegu xayma dëgg doxalin f , té $f(b^{(l)}) = 1$, mën nañu bindë $b^{(l)} = (1, 0, 1, 0, 0, 0, 1)$ té bindë $f_l(b) = b_1 \wedge (\neg b_2) \wedge b_3 \wedge (\neg b_4) \wedge (\neg b_5) \wedge (\neg b_6) \wedge b_7$. Bu féké $f = 0$ (manaam $k = 0$), kon mën nañu bindë $f(b) = b_1 \wedge (\neg b_1)$

- Fatéliku itam né \vee mën nañu ko bindë ak \wedge ak \neg

Amal $f: \{0, 1\}^3 \rightarrow \{0, 1\}$
 $(b_1, b_2, b_3) \mapsto b_1 \wedge (b_1 \vee (\neg b_3))$

Këralegu xayma dëgg f mo ñ topp:

b_1	b_2	b_3	$f(b)$
0	0	0	0
0	0	1	0
0	1	0	0
0	1	1	0
1	0	0	1
1	0	1	0
1	1	0	1
1	1	1	1

$$b^{(1)} = (1, 0, 0); f^{(1)}(b) = b_1 \wedge (\neg b_2) \wedge (\neg b_3)$$

$$b^{(2)} = (1, 1, 0); f^{(2)}(b) = b_1 \wedge b_2 \wedge (\neg b_3)$$

$$b^{(3)} = (1, 1, 1); f^{(3)}(b) = b_1 \wedge b_2 \wedge b_3$$

kon $f(b) = f^{(1)}(b) \vee f^{(2)}(b) \vee f^{(3)}(b)$

$$f(b) = [b_1 \wedge (\neg b_2) \wedge (\neg b_3)] \vee [b_1 \wedge b_2 \wedge (\neg b_3)] \vee [b_1 \wedge b_2 \wedge b_3]$$

bindë nañu f ak $b_1, b_2, b_3, \neg, \wedge, \vee$ dong.

Xam nañu né $a \vee b = \neg(\neg a) \wedge (\neg b)$

kon mën nañu bindë f ak $b_1, b_2, b_3, \neg, \wedge$ dong.

3.7 Kadum sago

Ngir wax né been baat, baatu dëgg la ci Xayma, war na ñu ko firndeel/woral ak been woné, manaam ci Xayma, woné rek moy dëggal been baat. Baatu dëgg bu nék, **tèg**⁹ la tud. Ci tèg yi, amna yu ci gëna am solo, ñu len di wowée **téorèm**¹⁰. Wanté amna ay baat yu ñu dul woné té nangu né ay baati dëgg la ñu, ñu léen di wowée **ñalém**, wala **baatu dëga yu wor**¹¹. Baat yoyu lé, mën na ñu lèna jappé ay sart¹² yuy lal xalaat ci Xayma.

Nañu lim woné yu ñuy tama jëfandiko ngir woral ay baat.

3.7.1 Woné ab contaraposee

Téeki

Mën na ñu woné been baat $B \implies C$ dëgg la, bu ñu woné $(\neg C) \implies (\neg B)$ dëgg la. Woné gi la ñuy wowée **woné contaraposee**^a

^aDémonstration par contraposition

⁹Proposition

¹⁰Théorème

¹¹Axiomes

¹²Règles

3.7.2 Tofal

Téeki

Mën na ñu woné been baat \mathcal{C} dëgg la, bu ñu tambali wé ci béneen baat \mathcal{B} bu nek dëgg té woné ni $\mathcal{B} \implies \mathcal{C}$ dëgg la. Woné gi la ñuy wowée **tofal**^a.

^aTirer une conséquence.

Nañu woné

$$\forall x \in \mathbb{R}, x^2 + 1 > 0$$

ak tofal.

Amal $x \in \mathbb{R}$. Xam na ñu $x^2 \geq 0$ ak $1 > 0$ wanté xamna ñu itam sa su jëlé a ak b ay ëmbeefu \mathbb{R} ,

$$(a \geq 0) \text{ ak } b > 0 \implies a + b > 0$$

kon itam $x^2 + 1 > 0$ (bu ñu jëlé $a = x^2$ ak $b = 1$).

3.7.3 Tofal ak tékhalé ay baat / ak nékin yëp yu wuté

Téeki

Mën nañu woné \mathcal{C} dëgg la, bu ñu tambali wé ak béneen baat \mathcal{B} , té woné $\mathcal{B} \implies \mathcal{C}$ ak $(\neg \mathcal{B}) \implies \mathcal{C}$ dëgg la. Woné gi mo tud **tofal ak tékhalé ay baat**^a

^aDisjonction des cas

Nañu woné

$$\forall n \in \mathbb{N}, \frac{n(n+1)}{2} \in \mathbb{N}$$

di jëfandiko tofal ak tékhalé ay baat.

Amal $n \in \mathbb{N}$, xam na ñu amna been $k \in \mathbb{N}$ bu mel ni $n = 2k$, wala $n = 2k + 1$.

Bu féké $n = 2k$, kon

$$\frac{n(n+1)}{2} = \frac{2k(2k+1)}{2} = k(2k+1) \in \mathbb{N}$$

Bu féké itam $n = 2k + 1$, kon

$$\frac{n(n+1)}{2} = \frac{(2k+1)(2k+2)}{2} = (2k+1)(k+1) \in \mathbb{N}$$

fi la woné gi jexé.

3.7.4 Wédi

Téeki

Mën nañu woné \mathcal{B} dëgg la, bu ñu woné ni amna béneen baat \mathcal{C} bu dëggul, té woné itam $(\neg \mathcal{B}) \implies \mathcal{C}$ dëgg la.

Nañu woné ni amul been $N \in \mathbb{N}$, bu gën ëp¹³ beep $n \in \mathbb{N}$ di ko bindé itam

$$\exists N \in \mathbb{N}, \forall n \in \mathbb{N}, N > n$$

dëggul. Nañu ko wédi, manaan né amna been $N \in \mathbb{N}$, bu gën ëp beep $n \in \mathbb{N}$, kon N gogu mo gën ëp $N + 1$, ndaxté $N + 1 \in \mathbb{N}$, kon dé

$$1 = (N + 1) - N < 0$$

Li mënul nék, ndaxté xam nañu $1 > 0$ ci biir \mathbb{N}

3.7.5 Topalanté ay baat

¹³Strictement supérieur

Téeki

Amal $n_0 \in \mathbb{N}$ ak ay baat $\mathcal{B}(n)$, $n \in \mathbb{N}, n \geq n_0$.

Bu féké $\mathcal{B}(n_0)$ dëgg la, té itam

$$\forall n \geq n_0, \mathcal{B}(n) \implies \mathcal{B}(n+1)$$

kon

$$\forall n \geq n_0, \mathcal{B}(n)$$

Nañu woné

$$\forall n \in \mathbb{N}^*, 1 + 2 + 3 + \dots + n = \frac{n(n+1)}{2}$$

ak topalanté ay baat.

Amal $n = 1$, kon $1 + 2 + 3 + \dots + n = 1$, té itam $\frac{n(n+1)}{2} = 1$, kon dëgg la ak $n = 1$.

Amal been $n \in \mathbb{N}^*$. Bu féké ni $1 + 2 + 3 + \dots + n = \frac{n(n+1)}{2}$, kon

$$1 + 2 + 3 + \dots + (n+1) = (1 + 2 + 3 + \dots + n) + (n+1) = \frac{n(n+1)}{2} + n + 1 = \frac{(n+1)((n+1)+1)}{2}$$

fi la woné gi jexé.

Seetlu

Amal \mathcal{B} ak \mathcal{C} , natal xayma dëgg yi ñoy dëggal woné yi jal.

natal gi njëk:

\mathcal{B}	\mathcal{C}	$\mathcal{B} \implies \mathcal{C}$
D	D	D
D	L	L
L	D	D
L	L	D

ñaareel natal gi:

\mathcal{B}	\mathcal{C}	$\neg \mathcal{B} \implies \mathcal{C}$
D	D	D
D	L	D
L	D	D
L	L	L

- **Tofal:** liñ^a bu njëk ci natal bu njëk bi moy woral woné ak *tofal*.
- **Tofal ak tékhalé ay baat:** liñ bu njëk ak ñaateel liñu ñaari natal yi, ñoy woral woné ak *tofal ak tékhalé ay baat*.
- **Wédi:** ñaareel liñ ñu ñaareel lu natal gi moy woral woné ak *wédi*
- **Topalanté ay baat:** amal $n_0 \in \mathbb{N}$ ak ay baat $\mathcal{B}(n)$, $n \in \mathbb{N}, n \geq n_0$.
Bu féké $\mathcal{B}(n_0)$ dëgg la, té itam

$$\forall n \geq n_0, \mathcal{B}(n) \implies \mathcal{B}(n+1)$$

kon, ndaxté $\mathcal{B}(n_0)$ dëgg la, té $\mathcal{B}(n_0) \implies \mathcal{B}(n_0+1)$ dëgg la, woné ak *tofal* dëggal na $\mathcal{B}(n_0+1)$, *tofal* moy woral woné ak *topalanté ay baat*

^aLigne

4 Xayma ci ëmb yi

4.1 Wàllu

Téeki

Amal ëmb E ak F , E **wàllu** F **la**, ñuy bindë $E \subset F$ bu féké ni, ak beep $x \in E$, $x \in F$ itam:

$$E \subset F \iff \forall x \in E, x \in F$$

kon E **nekul** **wàllu** F , ñuy bindë $E \not\subset F$ bu féké ni amna been $x \in E$ té $x \notin F$

$$E \not\subset F \iff \exists x \in E, x \notin F$$

Seetlu

Amal been ëmb E ak F , kon

- $\emptyset \subset F$ ndaxté $\forall x \in \emptyset, x \in F$ (ndaxté beep baat bu di tambali ak $\forall x \in \emptyset$ dëgg la)
- $E \subset E$, ndaxté $\forall x \in E, x \in E$ lu leer la

Tèg^a

^aProposition

Amal ëmb E ak F , kon

$$E = F \iff (E \subset F \text{ ak } F \subset E)$$

Woné:

Amal ëmb E ak F . Ngir woné $E = F \iff E \subset F \text{ ak } F \subset E$, mën nañu woné $\mathcal{B} = "(E = F \implies E \subset F \text{ ak } F \subset E)"$ dëgg la, té woné itam $\mathcal{C} = "(E \subset F \text{ ak } F \subset E) \implies E = F"$ dëgg la.

Nañu woné \mathcal{B} . Xam nañu $E \subset E$ (seetlu bi muj mo ko wax). Bu féké $E = F$, kon $E \subset F$ (bu ñu wecé ñaareel E bi ak F ci diganté gi $E \subset E$). Nonu la ñuy woné itam $F \subset E$ bu féké $E = F$, kon \mathcal{B} dëgg la.

Nañu woné \mathcal{C} dëgg la ak contraposee wam manaam $E \neq F \implies \neg(E \subset F \text{ ak } F \subset E)$. Bu féké $E \neq F$ (manaam E wuté na ak F , kon $\exists x \in E, x \notin F$ mba/wala $\exists y \in F, y \notin E$, manaam *deet* ($\forall x \in E, x \in F$ ak $\forall y \in F, y \in E$), manaam $\neg(E \subset F \text{ ak } F \subset E)$). Fi la woné gi jexé.

Tèg^a

^aProposition

Amal ëmb E, F, G kon

$$E \subset F \text{ ak } F \subset G \implies E \subset G$$

Jéemantu: Woneel tèg bi muj.

Téeki

Amal ëmb E , $\mathcal{W}(E)$ **mo di mbidu ëmb bi bolé rek wàllu** E **yëp**, manaam amal been ëmb A

$$A \in \mathcal{W}(E) \iff A \subset E$$

Amal ëmb E , kon $\emptyset \in \mathcal{W}(E)$, $E \in \mathcal{W}(E)$, $\emptyset \subset \mathcal{W}(E)$, wanté nañu woytu¹⁴ $E \subset \mathcal{W}(E)$ mën na baña nek dëgg.

4.2 Selebe(yoon) ak Mbolo ay ëmb

Téeki

Amal ëmb A, B ay wàllu been ëmb E , $A \cap B$ **mo di selebe(yoon)** A **ak** B di saamu ëmbeef $x \in E$ yëp yu bok ci A te bok itam ci B , manaan

$$A \cap B = \{x \in E / x \in A \text{ ak } x \in B\}$$

Téeki

Amal ëmb A, B ay wàllu been ëmb E , $A \cup B$ **mo di mbolo** A **ak** B di saamu ëmbeef $x \in E$ yëp yu bok ci A walla bok ci B , manaan

$$A \cup B = \{x \in E / x \in A \text{ walla } x \in B\}$$

Seetlu

Amal ëmb A ak B ay wàllu ëmb E , kon

- $A \cap B \subset A$ ak $A \subset A \cup B$
- $A \cap B \subset B$, ak $B \subset A \cup B$
- $A \cap A = A$, $A \cup A = A$
- $A \cup E = E$, $A \cap E = A$
- $A \cup \emptyset = A$, $A \cap \emptyset = \emptyset$

Tègtal^a

^aIndication ?

Amal ëmb A ak B , ay wàllu been ëmb E , ngir woné $A = B$ been lañu mën nañu woné ni: ak beep ëmbeef $x \in E$, $x \in A \iff x \in B$. Manaam woné $A \subset B$ ak $B \subset A$

Tèg^a

^aProposition

Amal ëmb E, F ,

$$\begin{aligned} A \cup B &= B \cup A \\ A \cap B &= B \cap A \\ (A \cup B) \cup C &= A \cup (B \cup C) \\ (A \cap B) \cap C &= A \cap (B \cap C) \\ (A \cap B) \cup C &= (A \cup C) \cap (B \cup C) \\ (A \cup B) \cap C &= (A \cap C) \cup (B \cap C) \end{aligned}$$

Jéemantu: Woneel tèg bi muj.

¹⁴faire attention

Seetlu

Amal ëmb A, B ak C , kon

- $(A \cup B) \cup C = A \cup (B \cup C)$ la ñuy bindë $A \cup B \cup C$
- $(A \cap B) \cap C = A \cap (B \cap C)$ la ñuy bindë $A \cap B \cap C$
- Wanté ken du bindë $A \cap B \cup C$ walla $A \cup B \cap C$ ndaxté léru ñu

Tëg^a

^aProposition

Amal ëmb A, B ak C , kon

$$A \subset C \text{ ak } B \subset C \implies A \cup B \subset C$$

$$C \subset A \text{ ak } C \subset B \implies C \subset A \cap B$$

Woné:

Amal ëmb A, B ak C . Nañu woné $A \subset C$ ak $B \subset C \implies A \cup B \subset C$

Bu féké $A \subset C$ ak $B \subset C$. Amal $x \in A \cup B$, manaam $x \in A$ walla $x \in B$:

- Bu féké $x \in A$, kon, ndaxté $A \subset C$, $x \in C$ tamit
- Bu féké $x \in B$, kon, ndaxté $B \subset C$, $x \in C$ tamit

Woné nañu $A \subset C$ ak $B \subset C \implies A \cup B \subset C$ ci beep nékin.

Ak xetu woné ji muj, mën nañu woné $C \subset A$ ak $C \subset B \implies C \subset A \cap B$


4.3 Motali been ëmb ci biir been ëmb

Téeki

Amal ëmb A wàllu been ëmb E , **ëmb bi di motali A ci biir E** , ñu di ko bindë

$$\mathcal{M}_E A = \{x \in E, \text{ té } x \notin A\}$$

mo di saamu ëmb yëp yu nék ci E té nekku ñu ci A



Seetlu

Amal ëmb A ab wàllu ëmb E . Bu féké ëmb bi di motali A ci biir E lu lér la, manaam munu ñu ko jaxasé ak leenen, kon mën nañu bindë \bar{A} ngir wax ëmb bi motali ci biir E .


- $\mathcal{M}_E A \cap A = \emptyset$, $\mathcal{M}_E(\mathcal{M}_E A) = A$
- $\mathcal{M}_E E = \emptyset$, $\mathcal{M}_E \emptyset = E$

Tëg^a

^aProposition

Amal ëmb A , B ay wàllu ëmb E , kon

$$\begin{aligned}\mathcal{M}_E(A \cup B) &= (\mathcal{M}_E A) \cap (\mathcal{M}_E B) \\ \mathcal{M}_E(A \cap B) &= (\mathcal{M}_E A) \cup (\mathcal{M}_E B) \\ A \subset B &\iff (\mathcal{M}_E B) \subset (\mathcal{M}_E A)\end{aligned}$$



4.4 Wañi ëmb ci ëmb

Téeki

Amal ëmb A ak B ay wàllu been ëmb E , **ëmb bi di motali A ci biir E** , ñu di ko bindë

$$A - B = \{x \in E, \text{ té } x \in A \text{ ak } x \notin B\}$$

mo di saamu ëmbeef yëp yu nék ci A té nekku ñu ci B . Yëna say ñu bindé ko $A \setminus B$

Seetlu

Amal ëmb A ak B ay wàllu been ëmb E , boba

- $A \setminus B = \mathcal{M}_A(A \cap B) = A \cap \mathcal{M}_E(B)$

Réd fi been natal bu di mandargal kaadu yi muj.